



ԵՐԵՎԱՆԻ ՔԱՂԱՔԱՊԵՏ ՈՐՈՇՈՒՄ

ՀՀ, 0015, ք. Երևան, Արգիշտիի 1

№1728-Ա

« 07 » մայիսի 2025թ.

ՀՈՂԱՄԱՍԻ ՎԱՐՁԱԿԱԼՈՒԹՅԱՆ ՊԱՅՄԱՆԱԳՐԻ ԳՈՐԾՈՂՈՒԹՅԱՆ
ԺԱՄԿԵՏԸ ԵՐԿԱՐԱԶԳԵԼՈՒ, ՊԱՅՄԱՆԱԳՐՈՒՄ ՓՈՓՈԽՈՒԹՅՈՒՆՆԵՐ ՈՒ
ԼՐԱՅՈՒՄ ԿԱՏԱՐԵԼՈՒ ՄԱՍԻՆ

Վարչական ակտի ընդունման համար հիմք է հանդիսացել Համբարձում Մխիթարյանի
լ/ա Ռոբերտ Մարգարյանի դիմումը՝ Ա.Մանուկյան փողոց հ.7/6 հասցեում գտնվող
շինության (անշարժ գույքի նկատմամբ իրավունքների պետական գրանցման 27.11.2024թ.
հ.27112024-01-0487 վկայական) զբաղեցրած հողամասի համար կնքված վարձակալության
պայմանագրի գործողության ժամկետը երկարաձգելու մասին:

Ա.Մանուկյան փողոց հ.7/6 հասցեում գտնվող շինության կադաստրային արժեքը
կազմում է 1,660,906 ՀՀ դրամ:

Ղեկավարվելով «Երևան քաղաքում տեղական ինքնակառավարման մասին» օրենքի
49-րդ հոդվածով, «Վարչարարության հիմունքների և վարչական վարույթի մասին» օրենքի
3-րդ, 53-րդ, 59-րդ և 60-րդ հոդվածներով, քաղաքացիական օրենսգրքի 466-րդ և 468-րդ
հոդվածների 1-ին մասերով, ՀՀ կառավարության 2020 թվականի հունիսի 4-ի հ.1023-Ն
որոշումով, Երևան քաղաքի ավագանու 2024 թվականի դեկտեմբերի 24-ի հ.259-Ն որոշման
հավելվածով.

1.Լիազորել Երևան քաղաքի Կենտրոն վարչական շրջանի ղեկավարին՝
օրենսդրությամբ սահմանված կարգով, Երևանի քաղաքապետի անունից, Համբարձում
Մխիթարյանի հետ կնքել համաձայնագիր՝ Ա.Մանուկյան փողոց հ.7/6 հասցեում գտնվող
շինության զբաղեցրած 6,8 քմ մակերեսով հողամասի համար 23.01.2004թ. կնքված
վարձակալության հ.Կ-051 պայմանագրի գործողության ժամկետը երկարաձգելու և
դրանում փոփոխություններ ու լրացում կատարելու մասին՝ ներառելով պայմանագրի
հետևյալ փոփոխություններն ու լրացումը.

1)պայմանագրում «Ա/2 Ռոբերտ Սարգսյան» բառերը փոխարինել «Համբարձում
Մխիթարյանը» բառերով.

2)պայմանագրի 5.2-րդ կետը լրացնել նոր պարբերությամբ, հետևյալ
բովանդակությամբ.

«Կողմերի միջև կնքված համաձայնագրի հիման վրա պայմանագրի գործողության
ժամկետը երկարաձգվել է մինչև 2026 թվականի հունիսի 1-ը».

3) պայմանագրի 3.1-րդ կետը շարադրել հետևյալ խմբագրությամբ.

«9. Հողամասի տարեկան վարձավճարը՝ համաձայն Երևան քաղաքի ավագանու 2024 թվականի դեկտեմբերի 24-ի հ.259-Ն որոշման հավելվածի 40-րդ կետի 1-ին ենթակետի գ) պարբերության՝ կազմում է 56 885 (հիսունվեց հազար ութ հարյուր ութսունհինգ) ՀՀ դրամ $(6,8 \text{ քմ} \times 139\,425 \text{ ՀՀ դրամ} \times 2 \%) \times 3$ (գործակից): Պայմանագրի կնքման պահին հողամասի շուկայական արժեքին մոտարկված կադաստրային արժեքը 1քմ-ի համար կազմում է 139 425 ՀՀ դրամ:»:

2. Ընդունել ի գիտություն, որ սույն որոշման 1-ին կետում նշված համաձայնագրից ծագող իրավունքը ենթակա է պետական գրանցման՝ ՀՀ կադաստրի կոմիտեի համապատասխան ստորաբաժանումում:

3. Սույն որոշումը կարող է վարչական կարգով բողոքարկվել Երևանի քաղաքապետին կամ դատական կարգով Հայաստանի Հանրապետության վարչական դատարան՝ դրա ուժի մեջ մտնելու օրվանից երկամսյա ժամկետում:

4. Որոշման կատարման կազմակերպումն ու պատասխանատվությունը դնել Երևանի Կենտրոն վարչական շրջանի ղեկավարի վրա:

5. Սույն որոշման կատարման ընթացքի նկատմամբ հսկողությունն ապահովում է Երևանի քաղաքապետի առաջին տեղակալ Ա. Փամբուխյանը:

ՏԻԳՐԱՆ ԱՎԻՆՅԱՆ

